

**PENGENALAN AWAL BERKENAAN PENERIMAAN
MASYARAKAT MAJMUK KOTA BHARU TERHADAP
INSTITUSI BERORIENTASIKAN ISLAM
(PERMODALAN KELANTAN BERHAD)**

Nur Azuki Yusuff

PENGENALAN

Dalam usaha menyatukan rakyat Malaysia, aktiviti penerimaan perlu menjadi suatu kebiasaan selagi ianya tidak melanggar etika, budaya dan keagamaan individu masyarakat. Masyarakat Malaysia terkenal dengan budaya ketimuran yang penuh adat sopan, budi bahasa dan bertatasusila.

Artikel ini cuba menyatakan realiti di sebalik penerimaan dan kebersamaan masyarakat khususnya di Kota Bharu merujuk kepada institusi berorientasikan Islam bersempena sebuah negara yang menjadikan Islam Agama Rasmi dan meletakkannya sebagai acuan Dasar Kebudayaan Kebangsaan. Persoalan yang ingin dijawab ialah:

- a. Sejauhmanakah penglibatan dan penerimaan masyarakat majmuk Kota Bharu terhadap institusi berorientasikan Islam.
- b. Apakah permasalahan Masyarakat Majmuuk dari sudut penerimaan pengurusan institusi berorientasikan Islam.

Penerimaan adalah dari kata dasar ‘terima’ yang membawa maksud perihal (perbuatan dsb.) menerima, penyambutan, penghargaan, keizinan (masuk dll.), kebenaran dan sikap terhadap atau anggapan terhadap. Istilah ‘terima pakai’ turut mendekati kehendak kajian atas maksud memilih dan menggunakan (mengikuti dsb.) sesuatu rancangan, program, kaedah dan selainnya.¹

Institusi ialah badan yang ditubuhkan untuk melaksanakan tugas-tugas tertentu sesuatu kepentingan atau suatu yang sudah berakar umbi dan menjadi kukuh dalam masyarakat dan lain-lain.²

Berorientasikan Islam, perkataan dasar ‘orientasi’ membawa makna arah aliran yang diikuti atau yang menjadi seperti landasan bagi

sesuatu pergerakan (perkembangan dll.), ia juga bermaksud kegiatan (peninjauan dsb.) yang menjadikan seseorang faham akan atau dapat menyesuaikan diri dengan sesuatu keadaan baru (matlamat tertentu dan selainnya). Berorientasi bermaksud melihat-lihat atau meninjau dsb. (agar lebih kenal, lebih mesra, lebih tahu atau dapat menyesuaikan diri dengan sesuatu keadaan dll.). Oleh itu, berorientasikan dapatlah dinyatakan sebagai mempunyai orientasi atau berdasarkan sesuatu orientasi.³ Perkataan ‘Islam’ *Masdar* atau kata jadian dari perkataan Arab (سلم) yang bererti keamanan, suci zahir dan batin dan patuh. Perkataan ini dipindahkan kepada (سلم) yang bererti berserah, tunduk dan patuh. Kemudiannya lagi perkataan itu dibataskan maknanya kepada tunduk dan patuh kepada Allah s.w.t.⁴

Secara ringkasnya metodologi kajian tidak dikemukakan lansung dalam artikel ini bagi meringkaskan pembentangan. Kertas artikel ini akan terus mengfokuskan kepada hasil awal kajian kepada dua permasalahan kajian merujuk kepada hanya dapat daripada kaedah

kajiselidik. Berikut adalah dapatan kajian awal:

DAPATAN KAJIAN

1. Penglibatan dan Halatuju Masyarakat Majmuk
 - (a) Berkenaan menilai penglibatan terhadap institusi di bawah Permodalan Kelantan Berhad dan institusi Islam:
 - (i) Masyarakat majmuk Kota Bharu kurang berurusan (9.3%) dengan Pusat Rawatan Islam an-Nisa’.
 - (ii) Masyarakat majmuk Kota Bharu amat kurang berurusan (6.7%) dengan Pusat Gadaian Islam ar-Rahn.
 - (iii) Sebilangan kecil (22.4%) masyarakat majmuk Kota Bharu pernah berurusan dengan Hotel Ansar.
 - (iv) Sebilangan kecil (42.6%) masyarakat majmuk Kota Bharu pernah berurusan dengan Institut Teknologi Darulnaim.
- (b) Berkenaan penerimaan sebuah institusi umum/konvensional:
 - (i) Masyarakat majmuk Kota Bharu dapat menerima (53.4%) untuk berurusan dengan institusi yang lemah pengurusannya.
 - (ii) Masyarakat majmuk Kota Bharu kurang menerima (42%) untuk berurusan dengan institusi yang lemah tatasusaha.
 - (iii) Masyarakat majmuk Kota Bharu tidak menerima (19.2%) untuk berurusan dengan institusi yang belum maju
- (c) Berkenaan penerimaan untuk berurusan dengan institusi yang berlandaskan agama Islam:
 - (i) Masyarakat majmuk Kota Bharu boleh menerima (58.3%) untuk berurusan dengan institusi Islam walaupun sesetengahnya berbeza agama.
 - (ii) Masyarakat majmuk Kota Bharu amat menerima (72.9%) untuk berurusan dengan institusi Islam

- (iii) Masyarakat majmuk Kota Bharu amat kurang (37.3%) untuk berurusan dengan institusi Islam yang amat menitikberatkan soal perundangan hukum.
- (iv) Masyarakat majmuk Kota Bharu kurang (49.9%) untuk berurusan dengan institusi Islam sekiranya terdapat perbezaan tatasusila hidup.

(d) Menilai halatuju dan pendirian masyarakat majmuk berkenaan institusi Islam:

- (i) Majoriti yang besar (84%) masyarakat Kota Bharu menyokong sekiranya institusi Islam bertambah maju.
- (ii) Akan tetapi, sebilangan kecil sahaja (32.4%) yang menyokong sekiranya hanya institusi Islam sahaja wujud di Malaysia.
- (iii) Sekiranya institusi Islam tidak wujud, majoriti masyarakat Kota Bharu (60.1%) menggalakkan diperjuangkan syiar Islam.
- (iv) Hanya separuh (50.1%) masyarakat Kota Bharu yang mengesyorkan pembinaan semula institusi beridentitikan Islam sekiranya ia sudah tidak wujud lagi.
- (v) Majoriti besar (84.5%) masyarakat majmuk Kota Bharu secara optimis menyatakan institusi Islam dapat membangun dan diterima.

2. Permasalahan Masyarakat Majmuk dari Sudut Penerimaan Pengurusan Institusi Berorientasikan Islam

(a) Berkenaan faktor penolakan pembangunan institusi Islam:

Kebanyakan masyarakat majmuk Kota Bharu mengakui antara faktor penolakan institusi Islam ialah kerana:

- (i) Rasa curiga dan tidak ada kebolehpercayaan.
- (ii) Kurang pengetahuan terhadap jaminan pengamalan institusi Islam.
- (iii) Kurang mendapat sokongan dari masyarakat Islam

- (iv) Wujud pendekatan dan acuan lain dalam institusi yang diamalkan yang lebih bersifat kebendaan.

Sesetengahnya beranggapan bahawa faktor penolakan institusi Islam disebabkan oleh:

- (i) Wujud situasi menghalang perkembangan institusi Islam.
- (ii) Serangan pengaruh anti Islam samada dari luar dan dalam.

Manakala sebilangan yang lebih kecil menyatakan masalah sambutan dingin masyarakat majmuk terhadap institusi Islam disebabkan oleh:

- (i) Kurang keperihatinan dari kepimpinan masyarakat dan pembuat dasar.
- (ii) Ketidaklulenan institusi Islam itu sendiri dengan acuan Islam.

Masyarakat majmuk Kota Bharu tidak beranggapan bahawa sambutan yang kurang terhadap institusi Islam disebabkan oleh:

- (i) Masyarakat bukan Islam benci institusi Islam.
- (ii) Masyarakat majmuk menolak perkembangannya.

(b) Berkenaan keistimewaan institusi konvensional:

Sebilangan besar masyarakat majmuk Kota Bharu akur menyatakan bahawa institusi Konvensional:

- (i) Berpengaruh dan lebih toleransi.
- (ii) Lebih membawa jaminan keuntungan.

Namun mereka menafikan bahawa institusi konvensional sahaja mempunyai sistem pengurusan bertaraf dunia dan tiada kelemahan. Majoriti kecil sahaja masyarakat majmuk Kota Bharu menyokong cara untuk institusi Islam mengatasi institusi konvensional dengan mengurangkan penguasaannya dalam negara secara berperingkat. Masyarakat majmuk tidak menyokong untuk mendedahkan kelemahan institusi

institusi tersebut.

(c) Berkanaan pendorong pembangunan:

Dalam pada menyatakan kelemahan penerimaan institusi Islam, masyarakat majmuk juga turut mengakui keistimewaan pengurusan institusi berorientasikan Islam dan beberapa faktor yang boleh dioptimumkan bagi membangunkan institusi Islam:

- (i) Institusi Islam mengutamakan kemaslahatan yang diperlukan masyarakat.
- (ii) Masyarakat majmuk Malaysia mengamalkan budaya aman dan sejahtera.
- (iii) Nilai-nilai Islam dijadikan asas pembetukan dasar Kerajaan.

Turut dijadikan faktor tambahan seperti:

- (i) Dasar kebudayaan Kebangsaan yang dibentuk selaras dengan pembangunan institusi Islam.
- (ii) Wujud jaminan keuntungan terhadap masyarakat bukan Islam.
- (iii) Masyarakat majmuk mahukan perkembangannya.

Faktor-faktor berikut tidak dipersetuju oleh masyarakat majmuk Kota Bharu:

- (i) Masyarakat bukan Islam mendokong institusi Islam.
- (ii) Tiada institusi lain yang dapat menandingi institusi Islam.
- (iii) Institusi lain ciptaan manusia adalah lemah.

lebih selesa berurus dengan institusi konvensional walaupun ia ternyata lemah dari sudut pengurusan, tatasusila dan etika kerja. Namun demikian masyarakat yang terdiri dari pelbagai agama di Kota Bharu tersebut boleh menerima institusi Islam walaupun sesetengahnya berbeza agama, adat dan budaya.

- (ii) Masyarakat majmuk Kota Bharu boleh menerima kemajuan yang bakal dicapai oleh institusi Islam di samping tidak menafikan kewujudan institusi konvensional. Mereka sanggup membela institusi Islam untuk terus membangun. Faktor penolakan institusi Islam oleh masyarakat majmuk Kota Bharu disebabkan kerana rasa curiga dan tidak ada kebolehpercayaan, kurang pengetahuan terhadap jaminan pengamalan institusi Islam, kurang mendapat sokongan dari masyarakat Islam sendiri dan wujud pendekatan lain dalam institusi Islam yang diamalkan yang lebih bersifat kebendaan.

- (iii) Sesetengahnya beranggapan bahawa wujud situasi menghalang pelekembangan institusi Islam dan terdapat serangan pengaruh anti Islam sama ada dari luar dan dalam. Sebilangan besar masyarakat majmuk Kota Bharu akur menyatakan bahawa institusi konvensional berpengaruh, lebih toleransi dan lebih membawa jaminan keuntungan. Mereka tidak menyokong untuk mendedahkan kelemahan institusi konvensional dan menekannya semata-mata bagi mengurangkan penguasaan institusi tersebut.

CADANGAN TINDAKAN AWAL

RUMUSAN KAJIAN

Berdasarkan dapatan kajian dari kaedah kaji selidik yang dibentangkan, rumusan yang dapat diambil bagi ketiga-tiga pokok permasalahan ialah:

- (i) Institusi-institusi berorientasikan Islam di bawah Permodalan Kelantan Berhad masih kurang mendapat sambutan dalam kalangan

Masyarakat majmuk Kota Bharu meletakkan perancangan bagi mencapai kesepadan dan pembangunan institusi Islam dalam masyarakat majmuk Kota Bharu dengan memberikan kefahaman dan kepentingan pengurusan institusi Islam, mengemaskini pembinaan institusi Islam yang sedia ada, mengamalkan institusi Islam dalam kalangan umat Islam, mengurangkan rasa curiga umat bukan Islam dengan menerangkan keuntungan yang diperolehi oleh orang bukan Islam yang mengamalkan institusi Islam. Tindakan utama yang lebih berkesan ialah penerapan ilmu berkaitan institusi Islam kepada rakyat dari peringkat sekolah lagi serta mengadakan

oleh pihak kerajaan, penanaman nilai kasih, moral, toleransi agama lain disepadukan dalam institusi Islam, pada masa yang sama syariat dan ajaran agama lain dihormati.Kemudiannya beberapa faktor yang boleh dioptimumkan bagi membangunkan institusi Islam ialah keistimewaan institusi Islam yang mengutamakan kemaslahatan dan keperluan masyarakat, masyarakat majmuk Malaysia mengamalkan budaya aman dan sejahtera serta nilai-nilai Islam dijadikan atas pembentukan dasar-dasar kerajaan.Masyarakat majmuk Kota Bharu juga amat bersetuju sekiranya pihak kerajaan, swasta dan masyarakat umum memastikan masyarakat bukan Islam dan warga asing bersama-sama membina wawasan Negara Islam secara tindakan berperingkat seiring wawasan 2020.

RUJUKAN

- Dr. Ahmad Amin. (1933). *Duhā al-Islām*. Kaherah: Matba'ah al-I'timād.
- Kamus Dewan. (1993). Kuala Lumpur: Dewan Bahasa dan Pustaka.
- Kamus Dewan. (2002). Edisi ketiga.Kuala Lumpur: Dewan Bahasa dan Pustaka.